

I PREMIO FORO RIAZOR DA ETS DE NÁUTICA E MÁQUINAS 2024 A TRABALLOS FIN DE GRAO E MESTRADO

A Escola Técnica Superior de Náutica e Máquinas (ETSNM) convoca o “I Premio Foro Riazor” aos mellores Traballos de Fin de Grao e Traballos de Fin de Mestrado no ámbito do sector marítimo”.

O obxectivo principal da ETSNM é a formación de profesionais altamente cualificados, proporcionando unha sólida formación cultural, científica e tecnolóxica coa fin de adquirir os coñecementos teóricos e prácticos do ámbito marítimo e tamén do industrial, administrativo e investigador, entendendo o desenvolvemento profesional como o resultado do intercambio das habilidades, capacidades e competencias de diferentes disciplinas.

Con ánimo de fomentar este obxectivo, así como apoiar o desenvolvemento formativo dos/as estudantes e recoñecer a excelencia académica, nacen estes premios que se regulan de acordo coas seguintes

BASES

I. Obxecto

Esta convocatoria ten por obxecto o recoñecemento daqueles Traballos de Fin de Grao (TFG) e/ou Traballos de Fin de Mestrado (TFM) defendidos ao longo do curso 2023/2024 que mellor integraren dimensións do ámbito de coñecemento da ETSNM nos seus proxectos e que sexan merecedores dunha especial distinción pola súa orixinalidade, pertinencia, relevancia e/ou proxección que poida acadar neste ámbito.

II. Requisitos

Poden ser candidatos/as nesta convocatoria os/as estudantes da ETSNM que defendan os TFG ou TFM no curso 2023/2024 cunha cualificación igual ou superior a 9,0 puntos.

Os/as candidatos/as, polo feito de se presentaren, outorgan permiso á ETSNM para publicar o traballo, na forma de póster, unha vez revisada de acordo coas indicacións da Comisión de avaliación.

III. Premios

Os premios concederanse en réxime de concorrencia competitiva entre os estudantes da ETSNM e serán financiados con cargo a partida orzamentaria 640A.422D.480.02. Os premios están suxeitos ás retencións que legalmente correspondan. A convocatoria e toda a información e fases difundiranse, entre outros medios, na páxina web da ETSNM.

- O primeiro premio ao TFG/TFM será de 400 €.
- O segundo premio ao TFG/TFM será de 200 €.

Código Seguro De Verificación	u6wA4rmWyuxeoPftc4qw1w==	Estado	Data e hora
Asinado Por	Director/a ETS de Náutica e Máquinas - Manuel Romero Gómez	Asinado	18/07/2024 16:34:36
Observacións	Aprobado en Xunta de Escola na súa sesión do 30/01/2024	Páxina	1/4
Url De Verificación	https://sede.udc.gal/services/validation/u6wA4rmWyuxeoPftc4qw1w==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



Así mesmo, o resto de traballos finalistas concederánselle uns accésits. Cada traballo premiado e os accésits recibirá un diploma acreditativo. Se o xurado o estimar conveniente, poderá deixar algúns ou todos os premios desertos.

IV. Presentación de solicitudes e documentación

Os/as candidatos/as deben cubrir a solicitude que lles aparecerá na app Telmo de TFG/TFM creada para este fin. A persoa solicitante deberá subir a Telmo, un póster do TFG/TFM, onde ten que aparecer o título, autor/a, data de defensa, obxectivos, metodoloxía, discusión e conclusións finais. Tamén é importante o uso de imaxes ou ilustracións que acompañen o contido e o fagan máis visual.

V. Prazo de solicitude

O prazo para a presentación de solicitudes no formulario vai dende o día da publicación desta convocatoria no taboleiro de anuncios da páxina web da ETSNM, e remata ás 14:00 h do día 30 de outubro de 2024.

Terminado o prazo de solicitude e revisadas as solicitudes, a ETSNM fará pública no taboleiro de anuncios da páxina web da ETSNM a listaxe das solicitudes admitidas e, de ser o caso, non admitidas, indicando as razóns das posibles exclusións. As persoas interesadas disporán dun prazo de 5 días hábiles para corrixir as deficiencias indicadas, publicándose a continuación a listaxe definitiva.

VI. Criterios de contido, composición e formato do póster publicable

O póster do traballo (TFG ou TFM) a enviar na solicitude será elaborado pola persoa candidata conforme aos seguintes criterios:

- Organización das ideas e información máis relevante do TFG/TFM.
- Título do TFG/TFM, autor/a e data de defensa.
- A estrutura do póster ten que conter como mínimo: obxectivos, metodoloxía, discusión e conclusións finais para mostrar as ideas principais de forma clara, concisa e correcta.
- Preferiblemente o póster, segundo a norma APA, será apaisado e súa medida é 122 cm de alto por 183 cm de ancho.

VIII. Comisión de avaliación

A Comisión de avaliación dos Premios estará composta de forma paritaria por persoal da ETSNM, da Dirección Xeral da Mariña Mercante e representantes de empresas e institución relacionadas co ámbito da Escola.

A Comisión de avaliación dos Premios estará composta por:

- Presidente: Gonzalo Guillén Espejo-Saavedra. Capitán Marítimo de A Coruña (ou preso na que delegue).
- Secretario: Manuel Romero Gómez. Director da E.T.S. de Náutica e Máquinas.

Código Seguro De Verificación	u6wA4rmWyxuoPftc4qw1w==	Estado	Data e hora
Asinado Por	Director/a ETS de Náutica e Máquinas - Manuel Romero Gómez	Asinado	18/07/2024 16:34:36
Observacións	Aprobado en Xunta de Escola na súa sesión do 30/01/2024	Páxina	2/4
Url De Verificación	https://sede.udc.gal/services/validation/u6wA4rmWyxuoPftc4qw1w==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



- Vogal: Luz Baz Abella. Coordinadora en España da Federación Internacional de Traballadores do Transporte (ITF).
- Vogal: Sonia Cabado Sánchez. Inspectora de Servicio Marítimo en Gauzón Ibérica S.L.
- Vogal: Antonio Abelleira Argibay. Director de Operacións en Grupo Nogar.

IX. Publicación dos pósters dos traballos e propiedade intelectual

Os póster dos traballos premiados publicaranse pola ETSNM baixo unha licenza Creative Commons Atribución-NonComercial-CompartirIgual 4.0 Internacional (CC BY-NC-SA 4.0). Con este obxectivo, os autores e autoras dos traballos premiados comprométense en entregar á ETSNM os orixinais dos seus traballos en formato editable (texto, imaxe, etc.) que lle sexan solicitados e a atender as indicacións de revisión que lles faga chegar dende a ETSNM.

X. Publicidade e resolución

Os premios serán resoltos e entregados durante o Acto de Graduación no mes de febreiro de 2025. As persoas gañadoras aceptan a difusión do seu nome, de ser o caso, así como o título, resumos e póster dos traballos premiados, nas comunicacións de carácter informativo ou divulgativo realizadas pola ETSNM.

XI. Tratamento de datos de carácter persoal

De conformidade co artigo 13 do Regulamento (UE) 2016/679 do Parlamento Europeo e do Consello, de 27 de abril, relativa á protección das persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (Regulamento Xeral sobre Protección de Datos ou RGPD), comunicámoslle que a información proporcionada a través deste formulario será tratada baixo a responsabilidade da Escola Técnica Superior de Náutica e Máquinas da Universidade da Coruña, co obxectivo de xestionar os premios Foro Riazor aos Traballos de Fin de Grao (TFG) e Traballos de Fin de Mestrado (TFM).

Estes datos serán tratados durante o tempo imprescindible para alcanzar este obxectivo e serán conservados durante o período adicional dun ano ao remate das accións previstas no respectivo premio Foro Riazor aos TFG e TFM.

Ao cubrir este formulario, vostede acepta expresamente dito tratamento con propósito de cumprir a finalidade descrita e terá dereito a retirar ese consentimento en calquera momento, sen efectos retroactivos. Ten dereito a solicitar ao responsable do tratamento, en calquera momento, o acceso, a rectificación ou a eliminación dos seus datos persoais e a limitación do seu tratamento.

Tamén terá o dereito de opoñerse a este tratamento, así como solicitar, coa excepción dos casos de interese público e/ou exercicio dos poderes públicos, a portabilidade dos seus datos. Pode exercer estes dereitos a través dun escrito asinado e unha fotocopia do seu DNI enviados á Escola Técnica Superior de Náutica e Máquinas da Universidade da Coruña, coa referencia "protección de datos".

Código Seguro De Verificación	u6wA4rmWyuxeoPftc4qw1w==	Estado	Data e hora
Asinado Por	Director/a ETS de Náutica e Máquinas - Manuel Romero Gómez	Asinado	18/07/2024 16:34:36
Observacións	Aprobado en Xunta de Escola na súa sesión do 30/01/2024	Páxina	3/4
Url De Verificación	https://sede.udc.gal/services/validation/u6wA4rmWyuxeoPftc4qw1w==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



Ademais, ten dereito a presentar unha reclamación diante da Axencia Española de Protección de Datos (AEPD).

A Coruña, na data da sinatura electrónica

O director da Escola Técnica Superior de Náutica e Máquinas da Universidade da Coruña



Código Seguro De Verificación	u6wA4rmWyuxeoPftc4qw1w==	Estado	Data e hora
Asinado Por	Director/a ETS de Náutica e Máquinas - Manuel Romero Gómez	Asinado	18/07/2024 16:34:36
Observacións	Aprobado en Xunta de Escola na súa sesión do 30/01/2024	Páxina	4/4
Url De Verificación	https://sede.udc.gal/services/validation/u6wA4rmWyuxeoPftc4qw1w==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		

